


Jān Būreejtōn
Thomas S. Monson



Kōmṃan Iien n̄an Rilōmṃor eo

Bar juon season in Kūrijmōj ebuñit kōj im ejjab to enaaj bar ijino juon iio ekāāl. Ilo aō eñjake āinwōt n̄e kar inne eo jekar kememe raan in lotak eo an Rilōmṃor eo im jekar kōmṃani kōttōbar ko.

Ilubwilijin kōttōbar ko ad n̄an iio in, jekar ke ṇamejlan n̄an kōmṃan ad iien ilo mour ko ad im ruum ilo būruwōd n̄an Rilōmṃor eo? Jekdṃon ewi joñan tōprak eo jekar maroñ in tōpare ilo juon ad kōttobar, ewōr aō leke bwe jemaroñ kōmṃan emṃanlōk. Season in Kūrijmōj in ej iien eo emṃantata n̄an etale im kōkāāle kijejeto ko ad.

Ilo an boub mour kein ad, kōn elōñ men ko rej kajjieoñ kōmad kōj, elukkuun aorōk bwe jen kōmṃane juon karōk, kallimur in kijejeto n̄an bōktok Kraist n̄an mour kein ad im ilo mōko imōd. Im eorōk bwe kōj jen, āinwōt Rikanpil ro jān Rear, jen mije epaakeļōk Rilōmṃor eo im loor Iju eo im “itōn kabuñ n̄an E.”¹

Laļtak jān epepen ko ilo tōre ko, ennaan eo jān Jisōs ej jañin oktak. N̄an Piter im Andru ipārijet in Galili, E ba n̄an er, “Kōmwin loor Eō.”² Ekar itok kūr eo n̄an Pilip, “Kwōn loor Eō.”³ Im ekar itok ennaan eo n̄an Rilivai eo ej jijet ilo jikin owōj, “Kwōn loor Eō.”⁴ Im n̄an kwe im n̄a, eļañne kōjro ej roñjake, enaaj itok ejja kūr in (wot): “Itok loor Eō.”⁵

N̄e jej loor waanjoñak eo An rainin, enaaj wōr ad iien kein remṃan n̄an kōjeraamṃan mour ko an ro jet. Jisōs ej kūr kōj bwe jen leļōk kōj make: “Lo, Irooj ej aikuj bōro eo im loomṃak eo emōñōñō.”⁶

Ewōr ke juon armej eo kwoj aikuj in jipañe ilo Kūrijmōj in? Ewōr ke juon armej eo ej kōttar aṃ loļōk?

Iio ko loļōk ikar loļōk juon eo emej pāleen ilo mṃweo imōn. Ke ij pād mṃweo imōn, peeļ eo ilo kōjem eo ekar jañ. Iturin kōjem eo ekar jutak juon taktō eļap an boub im lukkuun buñbuñ. Ejjeļōk ar kajjitōk bwen lotok; ijjeļōkin, ekar eñjake juon imṃwe bwe en lotok juon rinañinmej eo eajimakeke.

Ilo season in, ro rej jab maroñ emṃakūtūt jān mōko mṃweer itok wōt jān nañinmej ko ippāer ilo ānbwin re-lukkuun kōṇaan bwe en wōr ej loļōk er ilo iien Kūrijmōj. Juon Kūrijmōj ke ikar loļōk juon emṃ imon rinañinmej, ikar jijet im kar bwebwenato ippān lalem leļap ro rerūtto, rūtto tata eo ekar 101 an iio. Ekar pilo, ak ekar kile ainikiō.

“Bisop, kworumwij jidik ilo iio in!” ekar ba. “Ikar loomṃak kwoban kar itok.”

Ekar juon iien emṃan ilo amro ippān doon. Juon rinañinmej, ijoke, ekar reinaboļōk ilo wintō eo im ba im bar ba, “Ijeļā bwe lađdik eo nejū enaaj itok im lotok n̄a rainin.” Ikar loomṃak eļañne enaaj, kōnke elōñ season in Kūrijmōj ko ekar jab lotok eō.

Ej wōr wōt iien ilo iio in n̄an leļōk pein jipañ, būruwōn tiriamo, im jetōb eo elemōñōñō—ilo bar ba, n̄an loor waanjoñak eo Rilōmṃor eo ekar kōmṃane im jermal eļañne Enaaj kar kūr kōj bwe jen jermal. Ilo ad jermal n̄an E, jejjab aikuj kōjekdṃon iien ko ad remṃan, āinwōt an eo ekar kōmṃane ilo imōn ruwamāejet,⁷ n̄an kōmṃan iien n̄an E ilo mour ko ad im ruum n̄an E ilo būruwōd.

Jemaroñ ke meļeļe kallimur in emman epād ie ennaan eo an enjeļ eo ñan rilale sip ro ilo meļaaļ eo: “Ij bōkwaj ñan kom ñan ko remman, naan in lañlōñ eļap. . . . Bwe rainin e ļotak ñan kom . . . Rilomqor, E Kraist Irooj?”⁸

Ilo ad leto letak menin leļok ko ilo Kūrijmōj, jemaroñ ke keememej, kautiej, im bōk menin leļok eo eļaptata an menin leļok ko—menin letok eo ad Rilomqor im Ripinmuur, bwe jen maroñ bōk mour indeeo.

“Bwe ta emman eo ñan juon armej eļañne mennin leļok eo likūti ioon, im ejab bōk mennin leļok eo? Lo, e ej jab mōñōñō ilo men eo kar leļok ñan e, im jab mōñōñō ilo eo rileļok eo an mennin leļok eo.”⁹

Jemaroñ ke ļoor E, jermal ñan E, kautiej E, im bōke ilo mour ko ad menin letok eo An ñan kōj, bwe jen maroñ, ilo naan ko an Jemān Liai, “ij booļ indeeo ilo pein iakwe eo An.”¹⁰

KAKEEMEMEJ KO

1. Matu 2:2.
2. Matu 4:19.
3. Jon 1:43.
4. Matu 9:9.
5. Katak im Bujen ko 38:22.
6. Katak im Bujen ko 64:34.
7. Lale Luk 2:7.
8. Luk 2:10–11.
9. Katak im Bujen ko 88:33.
10. 2 Nipai 1:15.

KATAKIN JĀN ENNAAN IN

Būreejtōn Monson ej kūr kōj bwe jen “kōmmane juon karōk, kallimur in kijejeto ñan bōktok Kraist ñan mour ko ad im ilo mōko imōd.” Ļōmņak im kōnono ippān ro kwoj katakin ewi wāween aer maroñ kōmman aer karōk in kijejeto in ñan kajjojo im āinwōt juon baamle. Komaroñ in kajjitōk ippāer ñan ļōmņak kōn juon armej ak baamle eo komaroñ in loļok ak jipañ e Kūrijmōj in. “Ej wōr wōt iien ilo iio in ñan leļok pein jipañ, bōro eo etiriamō, im jetōb eo elemōñōñō.”

JODIKDIK RO

Wāween ko ñan Jipañ ilo iien Kūrijmōj

Būreejtōn Monson ej bōk iien im loļok rūtto ro im ro ilo imōn rinañinmej ko, eļaptata ilo iien Kūrijmōj. Ekar kile bwe elōñ ro rej mōñōñō kōnke elōñ ro rej lotok er, ak elōñ ro jet rej kōjatdikdik wōt kōn rilotok ro reban itok. Elōñ armej ro rej kōttar jet armej ro—bōlen ilo Kūrijmōj in, *komaroñ* erom armej eo.

Laajrak in ej juon laajrak in jet wāween ko komaroñ jipañ lale bwe en ejjeļok juon ej make iaan ilo Kūrijmōj in. Ewōr am anemkwoj ñan ļōmņak kōn elōñ ļok wāween ko im komaroñ in pukōt ļok ilo jukjukun pād eo am ilo Kūrijmōj in. “Ewōr ke juon armej eo ej kōttar am loļok?”

- Kōmman Kūrijmōj kaat ko im jilkinļok ñan mijenede ro im membōr ro ejjeļok pāleer im membōr ro rerūtto ilo ward eo am ak branch eo.
- Paļenteer ippān juon doulul an jukjukun pād eo.
- Leļok kape in Bok in Mormon eo āinwōt menin leļok ko an Kūrijmōj ñan ro mōttam im ro ritūrim.
- Loļok armej ro rerūtto ilo ward eo am ak baamle eo.
- Kōmman menin leļok im leļok ñan ro ritūrim.

AJRI RO

Ļoor Meram eo

Ālkin an Jisōs kar ļotak, Rikanpil ro rekar bōktok ñan E menin leļok ko. Rekar ļoor juon iju ekāal, emeram ilo ilañ ñan kappukōt E. Menin leļok ta ko kwomaroñ in leļok ñan Jisōs ilo Kūrijmōj in?



Kadkad in Mour ko Rekwojarjar an Jisōs Kraist: Tūriamō im Jouj

Tōmak, Baamle, Deeor

Kanooj jar ilo ekkatak kōn katak in im pukōt nān jeļā ta eo nān kwaļok. Ekōjkan ami naaj meļeļe kadkad in mour eo ekwojarjar an Rilōmqōr eo ej kōļapļok tōmak eo ami ilo E im kōjeramman ro komwij bōk eddoier kōn naan in katak an kōrā? Nān meļeļe ko reļļapļok, etal nān reliefsociety.lds.org.

Eñin ej juon mōttan an Naan in Katak ko an Kōrā ro rej pijaik wāween mour ko rekwojarjar an Rilōmqōr eo.

“Ilo jeje ko rekwojarjar, meļeļein tūriamō ej ‘eñtaan ippān.’ Ej barāinwōt meļeļein nān kwaļok būromōj, meļeļe, im tūriamō nān ro jet.”¹

“Jisōs ekar letok nān kōj elōn waanjoņak ko kōn tūriamō,” Būreejtōn Thomas S. Monson ekar ba. “Emman eo eaajikuk an etetal ilo juon ļwe ņaetan Beteseba; kōrā eo ekar ļōn; kōrā eo ilo aibōj laļ an Jekab; leddik eo nejin Jairus; Lazarus, ļeo jein Meri im Matha—kajjojo iaer ejjeļok oktak jān likao eo ekar jorrāan ilo iaļ in Jericho. Kajjojo iaer raar aikuj jipaņ.

“Nān emman eo eaajikukkuk ilo ļwe ņaetan Beteseba, Jisōs ekar ba, ‘Kwōn jerkak, im bōk kiniōm im etal.’ Nān kōrā eo ejerawiwi eo ekar itok nān bōk kōkkapilōklōk, ‘Etal, im jab bar jerawiwi.’ Nān jipaņ kōrā eo ekar itok nān itōk dān, Ekar leļok dān in aibōj ‘emōkaj an ibebļok nān mour indeeo.’ Nān led-dik eo emej nejin Jairus ekar itok keaņ in, ‘Talita kumi, Ij ba nān eok, kwōn jerkak.’ Nān Lazerōs ilowaan

lōb eo, ‘Kwōn dieojtok.’

“Rilōmqōr eo ekar aolep iien kwaļok joņan eo ban bwine kōn tūriamō. . . . Jen kōppeļok kōjem in būruwōd, bwe E—waanjoņak eo emour kōn tūriamō emool—bwe En maroņ deļoņ.”²

Bar Jet Eoon

Sam Ko 145:8; Zakaraia 7:9; 1 Piter 3:8; Mosaia 15:1, 9; 3 Nipai 17:5–7

Jān Jeje ko Rekwojarjar

“Nā im ļeo pāleeō komro kar būkwelōlō iturin leddik eo nejinro 17 an iio im akweļap kōn mour eo an,” Linda S. Reeves ekar ba, rikakpi-lōklōk eo kein karuo ilo būreejtōnji eo eļap an Doulul eo an Kōrā ro.

“Uwaak eo ekar jaab, ak. . . . kōmro ar aikuj in jeļā . . . bwe . . . [Rilōmqōr eo] ej eņjake tūriamō nān kōmro ilo amro būromōj.”³

“Juon iaan bwebwenato ko aō remman jān mour eo an Rilōmqōr eo ej bwebwenato in Lazarōs. Jeje ko rekwojarjar rej jiroņ kōj bwe ‘Jisōs ekar iakwe Matha, . . . leddik eo jatin [Meri], im [ļeo jeir] Lazarōs.’”⁴ Ke Lazarōs ekar jino naņinmej, kar

kōnnaanik ļok Jisōs naan eo, ak ke Ekar itaaktok Lazarōs emōj an mej. Meri ekar ettōrļok nān ippān Jisōs, buņ imaan Neen, im jaņ. Ke Jisōs ekar lo an Meri jaņ im limō, “Ej limō ilo an im būromōj, im . . . jaņ” (Jon 11:33, 35).

“Eñin ej eddo eo ad. Jeje aikuj eņjake im loe kōn kōj make innām jipaņ aolep ajri ro nejin Jemedwōj Ilaņ eņjake im loe im jeļā bwe ad Rilōmqōr ekar bōk Ioon Make jab wōt jerawiwi ko ad ak barāinwōt metak ko ad im eñtaan ko im iki-nejneje ko bwe E emaroņ jeļā ta eo jeje eņjake im E ejeļā wāween nān kaenōmman kōj.”⁵

KAKEEMEMEJ KO

1. Guide to the Scriptures Faith
2. Thomas S. Monson, “The Gift of Compassion,” *Liahona*, Mar. 2007, 4–5, 8.
3. Linda S. Reeves, “The Lord Has Not Forgotten You,” *Liahona*, Nov. 2012, 120.
4. Linda S. Reeves, “The Lord Has Not Forgotten You,” 118.
5. Linda S. Reeves, “The Lord Has Not Forgotten You,” 120.

Ļōmņak kōn Menin

Wōn eo emaroņ jeraamman jān tūriamō eo am?